

潮州府志

卷十六

乾隆辛巳重修

潮州府知府周碩勳輯

山川

天地定位亭毒之氣通艮者爲山流者成川故
書奠平成肇封濬也潮山連梅贛水接汀漳且
峰巒控乎島嶼不獨鳳棲獅踞碑兀聳翠也潮
汝通乎闡闡不獨三河九溪泮渌揚波也夫出
雲降雨之處往往秀毓英鍾聲明文物胥於是
乎蔚焉淮南子有言牛蹄之涔無尺鯉頽府之
山無丈材觀乎潮之封內綿無垠而爲山故名

涯而爲水可謂人傑與地靈爭勝矣志山川

海陽縣

山

金山在城北高四十丈周圍四里形如覆釜多巨石
爲郡城後展前有小湖相傳舊爲金氏所居宋祥
符間知軍州事王漢始闢其勝竹木葱蒨荔枝尤
繁山巔名獨秀峯有西暉鳳凰二亭及隱石仙遊
諸洞紹興間知軍州事翁子禮嗣修建一覽亭今
俱廢明萬歷間知府徐一唯建石坊曰東南最勝
右有金山庵庵西有巖瞻臺下有石門總兵

官俞大猷爲之銘臺後石刻拙窩二字又刻周敦
頤拙賦於其上右有石數峯其清暉同趣四字則
元至正間總管王翰筆也最上有橋曰橫鶴後有
超然臺副使任可容建上平坦可坐數百人松風
謾謾頗多幽致跨山建城山石巖巖峙立河干
國朝順治間叛帥郝尚久築寨其上以抗王師
浚井深數十丈後投井死遺蹟尙有存者

西湖山距縣北一里許舊名銀山山下爲西湖高約
五十餘丈周圍十里循紫竹庵而上有老君巖巖
下有洞寬可容數十人祀老君其中唐正元間中

丞李宿建觀稼亭於上宋元祐間知軍州事鮑粹
又建二亭左曰乘風右曰待月今不可考矣嘉泰
間知軍州事林慄濬古放生池而跨以橋沿隄而
南有晴雨亭止水庵今俱廢惟鴈塢僊人跡尙存
乃淳祐間知軍州事劉希仁所建明萬歷間郡人
唐伯元建釣魚臺越數十步建壽安寺則宋州學
遺址也寺左蓮花池與梅花莊相映

韓山在城東舊名雙旌其頂有三峯形類筆架又名
筆架山韓昌黎刺潮時常遊覽於此故名韓山後
建祠於上宋陳堯佐劉允楊萬里皆有韓山詩祠

左有侍郎亭亭左有陸忠正祠祀宋丞相陸秀夫
又虞山書院祀海陽教諭陳察今廢中峯之北有
巨石曰雙旌石左峯之麓有寧波寺康熙十九年
庚申知府林杭學重新昌黎祠文昌閣及曲水流
觴亭二十年辛酉重建陸忠正祠又修玉皇殿今
書院在山麓延師講業其中卽名韓山書院其剏
建重修始末詳學校

莆都山距城東南二里高十餘丈周圍四里四面山
頂皆方

鳳山距城西北三里高十四丈周圍三里

竹篙山一名東山在城北三里高四十六丈周圍五里高聳秀拔有關祠在山麓

九郎山距城東北十里山勢起伏有九故名

尖峯山距城東北十里左連九郎高百餘丈周圍六里形如卓筆

圓山距城南十里江東都高六丈周圍五里

大帽山距城東十五里高五十丈周圍四里其形如帽故名

石甕山距城東三十里高五十丈周圍四里

楓洋山卽楓澤山距城西北十五里高三十丈周圍

八里

海陽山距城北二十里高四十丈周圍三里南望大洋晉名縣以此

青藤山距城西南二十里高二十丈周圍四里土宜藤多種植者故名

桑浦山距城西南四十里高二百丈周圍五十五里勢若蜿蜒產茶北麓多桑宋嘉定間建塢山巔旁有井秋冬不竭又有華石洞南連鄒堂山

獅子山距城西南五十里高一百八十丈周圍四十六里有獅子塢上有石巖屈曲難狀又有甘露巖

相傳昔有孝子廬墓於此而甘露降後於其側建
甘露寺巖前有峯曰玉簡

宗山距城西南四十里舊名華巖其麓有王陽明祠
烏羊山距城西二十里形類伏虎堪輿家稱爲郡西
屏翰以石黑色纍纍連接俗呼爲烏羊

七屏山在秋溪都峯巒有七綿亘數里有藩屏之象
時見白雲往來古松數株搖曳於春風秋月間山
之盡處別名暘山

西山在龍溪都地介海揭之交下臨梅林湖碧水澄
泓與巔巒相映中有洞仄徑崎嶇林木叢茂惟見

禽鳥往來上下

楊鐵嶺亦名龜頭嶺距城西三十里高一百八十丈
周圍三十二里狀如伏龜北麓突起若龜首南麓
有龍湫水清冽四時不涸石色青黑似鐵故以名
白水巖在歸仁都其巖下臨深坑懸泉飛瀉如噴珠
黃田山距縣東二十里高二百丈周圍三十里山形
寬廠下有白雲坊

鸞門山距縣西三十里高十二丈周圍十里又名鸞
母山其形兩山大小相接似鸞魚牝負牡雙行故
名山鄉幽僻明末寇盜嘯聚於此

別峯山距縣東北十里又名鳳棲山高一百八十丈
周圍二十里山峯秀特水聲潺潺山巔有別峯庵
山下有古林寺孝禪庵爲附郭名勝文人學士多
覽遊焉

白石嶺距縣東北六十里高一百七十丈周圍二十
里與饒平交界遠望白石磷磷茂林陰翳石徑險
仄

白墳山距縣西三十里高四十丈周圍八里

川

韓江在城東韓山下合汀贛循梅諸水匯於三河壩
合產溪九河鳳水過鳳棲峽經鯉溪爲韓江至鳳
凰洲分爲三支一從急水埕過鯉魚溝由饒平石
碑脚至澄海新港入海一從澄海蠶家園又分爲
二半歸東港入海半歸西港入海一從洄溪埕經
澄海龍潭溪至東隴入海

東湖在韓山後四山環繞一水澄浚周圍一百八十
丈有湖山亭清暑水月二觀今俱廢

西湖在東湖之西北宋知軍州事林鵬所濬周圍二

潮州府志
卷之六
百五十丈舊有樓臺亭榭碧檻朱欄今俱廢

蒙泉在湖山之陰水甚清冽二里許爲五龍潭

三利溪在城西引韓江通北濠之水過雲梯至楓口

入於海宋始濬以灌三邑之田故名明正統嘉靖
間屢疏屢塞乾隆戊寅己卯間知府周碩勳知縣
金紳濬之兩岸禦以灰隄

鳳水在城北發源鳳凰山匯於鯉溪一名鳳凰溪

意溪一名惡溪一名鯉溪唐時有鯉魚四足黃身修

尾似龍無角似蛇有足巨口鋸齒運尾猶象之運

鼻尾有二鈎極利遇人豕以尾捲而食之爲潮民

害昌黎刺潮州以羊一豬一投溪水爲文祝之是
夕暴風震雷溪水盡涸魚徙去鯉溪之名以此

中離溪距縣西南四十里地連揭陽流至楓口入海
急水門距城南二十里兩山夾流中橫巨石砢砥狂
瀾爲天然關鍵

塘湖距城南三十里源發韓江南流入海

障湖距城北七十里產龜又名龜湖源發汀贛會韓
江

潮陽縣

山

龍首山距縣治北三里高百餘丈周圍十餘里又名
猴子山

東山在龍首東三里高百丈綿亘六十里接連東北
蓮花諸山上有七星石棲雲石雙旌石方廣洞聚
聖塏望仙橋諸勝山巔有五雷壇壇下有水簾亭
水自半山而下爲瀑布泉若垂簾然西曰桐陰亭
下有碣曰文馬碣

白牛巖一曰闢牛距城東北五里高五十餘丈周圍

里許上有巨人跡及唐宋題刻山頂有石聳拔數丈曰擎天石下有卓錫泉唐僧大顛曾掛錫於此東五里曰太湖山

錢澳山卽海門山距城東南二十五里高約四十餘丈周圍五里蓮花峯特起於前宋文丞相嘗登此以望帝舟其北曰鍾南山臨於滄海之上有石曰鎮海將軍西有牛角睡虎伏龍諸石

廣澳山卽招收山距城東北三十五里三面距海高約六十餘丈綿亘數十里其北曰北巖明萬歷中邑人周篤棻自天台歸學道於此有石室又北十

里曰鼓樓石南有雞母石

磊口山距城東北三十里高約五十丈周圍數十里
馬耳山在其外爲海洋門戶

潯洄山俗爲巡梅山在城北大海中高六十餘丈周
圍十餘里爲邑治後展白嶼在其西草嶼三嶼角
嶼泥嶼及放雞山在其東青岑翠嶺聳拔雲霄北
十五里爲華陽山

河溪山在烏巖東初無徑可達唐僧大顛闢之築室
架兩山之間高數丈庵外有橋

大化山在河溪桑田之間其形如鳳海濱望之絕曾